



Universitätsbibliothek Paderborn

**Joannis Schefferi Argentoratensis De Re Vehiculari
Veterum Libri Duo**

Scheffer, Johannes

Francofurti, 1671

Cap. XXXIII. De vehiculis aliquibus putatis falso, maleve intellectis.

urn:nbn:de:hbz:466:1-13156

Ius, ait, ut consuetudo fert, à curru diminutio est: Dicitur brevissimum vehiculi epiroti genus. Nisi genus epirotum hic accipiamus, qvod sit rotis instructum, oppositumq; illi, qvod rotarum vice sustinetur tignis, sicut trahæ solent. Qvicqvad verò sit de epiroto, epirhedium existimo fuisse rhedæ simile, sed aliquanto minus, ita dictum, sicut ab epistola est epistolium. Habuit de cætero adjunctos eqvos, verum inertes ignavosqve, sicut Juvenalis docet, in superius producto loco, ubi segnipedes appellat, & comparat cum asinis. Usus epirhedium qualis fuerit, non licet divinare, qvia nil de eo prodidere veteres, qvod sciam. Illud liquet, genus tardum fuisse, nec adhibitum ad cursum, verum onera. Ideò segnipedum in eis locus, qvi alias debuissent esse celeres. Sed & colla trita ideò in jumentis illis Juvenalis notat, qvod sine dubio à difficultate laboris in commovenda gravi mole:

-- *Dominos pretiis mutare jubentur*

Exiguis, trito ducunt epiredia collo

Segnipedes, dignique molam versare Nepotis.

Denique contemptum vileq; genus liquet ex his verbis habitum, qvippé cui adjuncti viles eqvi. Atq; hoc de epirhediis.

Cap. XXXIII.

De vehiculis aliquibus putatis falso, maleve intellectis.

Tintinnabulum non est de genere vehicularum. Scaliger revellitur & Lambinus. Gronovius laudatur. Lucilius explicatur. Pampillum. Lampridii locus examinatur.

Executi sumus, quantum scimus, omnia vehicula, qvorum mentio est apud veteres. Sed qvia sunt, qvæ vulgo pro vehiculis habentur, necdum nominata nobis, ideò & de ipsis aliqua dicemus. Primum, qvod hic memorari deberet, est *tintinnabulum*. Id ex Plauto & Lucilio Scaliger vehiculum est commentus. Verba Scaligeri leguntur

leguntur ad Varronis lib. de LL. iv. ubi sic ad vocem *sirpea*: *Sirpea*: *Lucilius*: *Tintinnabulum abest hinc, sirpiculeque olerorum.* Est autem vehes ex crate. Sunt enim hic duo genera vehiculorum, *sirpea* aut *sirpicula*, & *tintinnabulum*. De *sirpeis* habes hic apud Varronem. De *tintinnabulo* non ita cognitum omnibus. Plautus Pseudolo:

— — — *Lanios inde arcessam duo cum tintinnabulis.*

Eadem duo greges virgarum indidem ulmearum adegero.

Quod tamen vocabulum Scholasticorum & Grammaticorum nationi ante agnotum fuit. Servat expositionem hanc Lambinus in suis ad Plautum Commentariis: *Cum tintinnabulis, ait, cum vehiculis.* Nam *tintinnabulum*, præter vulgatam significationem, genus vehiculi est, quod indicat Scaliger Iosephus, *Comment. in Varr.* Eandem amplectitur & Douza in *Comment. ad Lucilium*. Verum mihi rectiora longè, quæ ad Plauti locum super hac re scribit incomparabilis Gronovius. Apponam cuncta ejus verba, quia mirè faciunt ad rei illustrationem: *Quid fuit in mentem Scaligero, quum ad quartum Varronis notaret, duo esse genera vehiculorum, sirpeas & tintinnabula, & insularet Scholasticorum ac Grammaticorum nationi*, quibus hec essent ignota vocabula? *Quid illis, qui toties hoc ex illo scribunt?* Imò nec *sirpea* *vehiculum* est, sed imponitur *vehiculo*, nec *tintinnabulum*, sed si quando appenditur. De *sirpea* alibi. Sed dixerit Lucilius: *Tintinnabulum abest hinc, sirpiculeq; olerorum.* *Quid hic, quamobrem credam ea esse vehicula?* *Quid in loco Plauti?* Palam est, carnicices & tortores describi, qui solebant cædere παθωφορέας, ut ab aliis jam notatum. Et tamen etiam nolas ad usum sacrificiorum comminiscuntur. Lusus est servuli, qui de supplicio, quo vult mactari Lenonem, loquitur, quasi de sacrificio, quo is, quem Iovem sibi fecerat herus, mactetur. Itaque pro carnicibus dicit lanios, quasi victimarios, sed cum *tintinnabulis*, quibus carnicices orabant nōxios, pro hostiis, greges virgarum ulmearum, vel *virgas in fascem colligatas*. Isthaec optimus Gronovius eruditissime: Neq; dubitari debet, quin *tintinnabulum* loco nullo *vehiculum* significet. *Quid tamen est, quod Lucilius, ubi de sirpiculis agit, tintinnabuli facit mentionem?* Quo ista pacto coherent? Puto usum figura, quam appellant ἐρδιὰ δύον, & *tintinnabulum* *sirpicula* lasge

lasq; posuisse pro sirpiculis cum tintinnabulo. Erat ea consuetudo veterum, ut res venales indicarent pulso commotove tintinnabulo. Ita solebant Græci, cum vendendi pisces essent, qvod ex Strabone aliisq; annotarunt viri docti. Hoc modo Romæ etiam existimmo vendidisse holera. Habebat vehiculum seu plaustrum appensam campanulam, cuius sono admonerentur, si qui vellent emere, adesse venalia. Et hoc credo intelligere Lucilium. Manet ea ratio hodieq; alicubi per Belgum aliasq; regiones, cum venale qvid proponitur, & Argentorati, mea in patria, molitorum plaustris appenduntur tintinnabula, qvo prætervehentes possint audiri, & frumentum ipsis offerri ad pistrinum molamve farinariam deportandum. Idem observatur eo in genere vehicularum, qvo purgamenta platerum exportant, qvod propterea die Klingelfärch/ id est, currus tinnientes, vocant. Venio ad *Pampillum*, de qvo Calepinus censet, qvod ex genere fuerit vehicularum. *Pampillum*, ait, genus delicati currus; laudatq; in hunc sensum verba Lampridii, ex vita Heliogabali desumpta. Calepinum exscripsierunt Auctores Fori Romani, aliique, qui Lexica compilarunt. Sed pampillum nusquam legas alibi, nec est illa ratio vocabuli illius, aut probabilis origo, sive Græca, sive Latina, unde corruptum esse intelligitur. Verba Lampridii leguntur cap. 29. *Iunxit & quaternas mulieres pulcherrimas, & binas ad pampillum, vel ternas & amplius, & sic vectatus est.* Ita habent veteres editiones, agnoscitq; Grutero teste etiam Palatinus. Sed, ut dixi, nusquam alibi pampilli vox occurrit. Qvare sunt, qui pampillum maluerunt, ut à *pompa* videatur ortum, signetq; genus tale, quale Isidoro alicubi *pompaticum* vocatur. Ac à *pompa* rectè qvidem oriri *pompaticum* appetet, sicut à *gramma*, *grammaticum*, à *sylva*, *sylvaticum*, & hujusmodi. At, qvo pacto à *pompa* sit *pampillum*, non æqvè possis dicere. Dein non magis legas alibi *pampillum*, quam *pampillum*. Deniq; totus locus docet, agere Lampridium de re nota, faciliq; intellec̄tu. Ideò vocem affert nudam, nihil addit explanationis gratia. Qvare verisimile non est, scripsisse *pampillum*: cum, ut maximè accipiamus pro vehiculo pompatico, de hoc ipso,

qvale sit, interrogari queat. Fuerunt enim multa diversaq; in pom-
pis vehicula, bigæ, quadrigæ, currus, carpenta, thenæ, ac id ge-
nus. Ne ipsæ pomæ quidem unius ejusdemq; generis fuere, sed
aliæ circenses, aliæ theatrales, aliæ triumphales ac deinceps. Ad
postremum libri alij Lampridij, ad quos editiones optimæ sunt for-
mati, non *pampillum* habent, sed *papillam*. Quanquam ne hoc
ipsum quidem probum videatur. Ecquid enim hic *papilla*? Nam
si mamma, quo pacto junctæ plures fuerunt ad mammam? Genus
locutionis arguit, sermonem esse de diversis, & aliud, quod jun-
ctum est, aliud cui junctum est, intelligi oportere. Svetonius in Ju-
lio c. 31. *Mulus è proximo pistriño ad vehiculum junctis iter ingressus est.*
Plinius lib. VIII. c. 16. de Leonibus : *Primus Romæ ad currum jun-
xit M. Antonius.* Ipse Lampridius aliter non loquitur. ut c. 23. Di-
citur *junxit etiam camelos quaternos ad currus in circo.* Item c. 28.
Canes quaternos ingentes junxit ad currum. Quando ergo ait, *junxit*
ad papillam, non potest *papilla* mulierum junctorum intelligi, sed
quid aliud, ad quod junctæ ipsæ fuerunt. Athoc vox *papillæ* non
declarat; Unde sequitur, esse depravatam. Suspicabar aliquan-
do, ad *plaustillum* legi oportere. Nam ex *plaustillo*, scribarum in-
curia potuit fieri primo *panstillum*, dein *panstillum*, & cum st in Ms.
parum differat ap, *panpillum* ac *pampillum*. Verum nolo conjectu-
ram hanc tueri adversus eum, qui quid melius excogitabit. Cum
præsertim locus totus valde corruptus imo mutilus videatur. Ec-
quid enim est, quod primo ait, *junxit & quaternas & binas*, & statim
post, *vel ternas & amplius?* Quo spectat illud & amplius? nam si
ad quaternas, eæ vero jam antea enumeratae sunt. Plane liquet
esse hæc inepta, neq; sic à Lampridio formata. Id quod
olim deprehendent, qui libros emenda-
tores consulent.

Cap.